

ԳԱՂԹԱԿԱՆԻ ԵՐԳԸ

- Կրճուռնկն երկընքում ճամփա կըհանի,
Կը՛ռ, կը՛ռ, ձեն կուտա էն խավար ամպում.
Ղարիբ մոլորել շիտե, ինչ անի
Անգութ աշխարհքում, անծանոթ ճամփում:
- 5 Ա՛խ, էս սև ճամփեն, էս դըժար ճամփեն
Արդյոք ո՛ւր կերթա, արդյոք շա՛տ մընաց.
Ո՛րտեղ կըհատնի էս օրը արդյոք,
Ո՛րտեղ կըհանգչեն ոտներըս հոգնած:
է՛յ, բարով գնաս, սիրելի թըռչուն.
- 10 Գարուն կըբացվի, ետ կուգաս կըրկին,
Ձագով-ընկերով կուգաս դեպի տուն՝
Քո բունը հերվան, շինարու գըլխին...
Ա՛խ, ես բընավեր, ընկած սարե-սար,
Ու քաշ եմ գալի, ու քաշ եմ գալի,
- 15 Անքուն ջրի պես դիպչում քարե-քար,
Անշունչ քարին էլ երնեկ եմ տալի:
Ամեն քար, Աստված, իր տեղն է անժած,
Հենց ես եմ մենակ տեղից գըլորվել.
Ամեն հավք, անգո՛ւթ, իր բունը ունի,
- 20 Հենց ես եմ ղարիբ ճամփում մոլորվել...
Ա՛խ, էս սև ճամփեն, էս դըժար ճամփեն
Արդյոք ո՛ւր կերթա, արդյոք շա՛տ մընաց.
Ո՛րտեղ կը հատնի էս օրը արդյոք,
Ո՛րտեղ կը հանգչեն ոտներըս հոգնած...